

浴防危險薛紫賢真人亦云一年沐浴更防危俱可證也以此
證知十月懷胎皆沐浴為真傳非止執於二八兩月為沐浴而
妄言之者非也

既說一年皆沐浴則知二八月在年內者皆然有真元通仙
道經云得之大者沖和而久視此亦言非比二時之沐浴要
久視也既皆誠人防危則必有沐浴之候而防其不能沐浴
若彼謂不行火者更有何危可防我今又誠後聖甚宜體究
仙言

又問曰古人何故言二八月而豈無因者乎答曰古言二八月
因屬卯酉矣火之沐浴工卯酉時虛比借謂大周天欲似其名

道藏輯要

仙佛合宗語錄

卷一 畢集一

理勿執其幻稱誤人千萬紀

借言發明沐浴之機如佛所謂善巧方便而說豈可強執為
實不行火而敗壞將成之大丹哉更誤害千萬世信心學者
哉

又觀紫陽真人云火候不用時

火候之用小周天有十二時時完則有間斷行大周天之火
不用時則無間斷時且不用不間又豈可以二八兩月為間
斷

又云及其沐浴法卯酉時虛比石杏林亦云冬至不在子時沐
浴亦非卯酉皆言小周天且不用時而虛此沐浴而謂大周天

可實用月爲沐浴乎我說既云莫向天邊尋子午又豈於歷數中尋卯酉耶若使養胎而廢二八兩月之工則神炁散而背道矣

十月關中乃大周天養胎息之工爲轉神入定也若不行火卽是不轉神不入定則炁不化神何以得成陽神而出身外抑可使婦人懷孕而二八兩月不懷乎

卽婦人無兩月不養胎之理斷言修仙養胎亦無兩月不養胎之說斷然無惑

今此破萬古之疑洩萬古之祕同我天仙正理直論之所時書者而發明大用後之聖真仙佛遇天人神師授道嗣我丘祖長

道藏輯要

仙佛合宗語錄

三

川三

畢集一

春真人滴派者必當從斯印證過而後可謂之真知仙道沐浴張紫陽云地獄不囚傳道者教存經籍度三師

附錄和吉王朱太和詩一首

道憑一字作根基

道在無極且無形無數乃生有形有數之一太極也一而生二二陰陽也二而生三精氣神也三而生萬變化無窮

運化從心妙轉移

煉精化氣以心主宰乎其化煉氣化神亦心證成其化此有心之運化轉移固不外于心及煉神還虛得虛靈獨耀非執着幻妄爲虛空者實無心之妙用也亦不外于心正三界爲

心之說也

金白水鄉還白液

白金生于黑鉛水中亦喻腎水中生真陽之氣白乾金兌金者是也

木由丙穴返青璆

丙穴南方火地也言汞木之青者由丙丁火生出乃回返于丙內是汞出硃砂內之義亦喻外馳之神復凝返于內也
丹凝神氣棲玄谷

玄谷者卽氣穴神馭氣凝于玄谷氣凝神亦凝二者凝而成丹故曰丹凝卽凝神歸氣穴之說

道藏輯要

仙佛合宗語錄

卷

畢集一

星拱罡台照碧溪

碧溪者卽神水華池也罡者北斗第七破軍星之稱遁法中所謂指者吉台星者罡前之三台星也同罡旋十二位卽斗柄運周天之說拱罡台是神行卽氣行也照碧溪是神住卽氣住也

待到無垠垓北境

垠音寅言無涯無際也垓音秧北音扎言鴻濛混沌也卽澄虛無境界時同佛生滅滅已也

黃庭獨坐伴夷希

夷希者不見不聞也黃庭者中宮也獨坐者絕對待也伴夷

希者卽佛寂滅爲宗也

其二

旌陽曾爲斬蛟來

晉時許旌陽眞君斬蛟精至長沙府

一劍功神逕自回

斬蛟已回于南昌

千二百年吾復至

旌陽回後于今又千二百餘年矣吾復至此雖非爲江上蛟精卻爲斬腎水中蛟精而來也

幾微一竅氣重開

道藏輯要

仙佛合宗語錄

罕

畢集一

一竅者玄關一竅也氣重開者先天一氣生生不已開而復開也採藥有時時至神知亦予所謂覺而不覺復覺眞玄之說也

丹凝玉鼎風生耳

三寶合煉于鼎中眞陽與眞性凝結而成丹玉鼎者古人金爐玉鼎者喻氣穴丹旣凝謂之大藥玄珠採之將至先有風生于耳後風聲至則大藥亦至

火伏金爐息注胎

下三字申明上四字息注胎者安神定息謂之懷胎還神時時息定則成胎胎成則息自住不入神息常住而頓至

滅盡定矣

此道久將無用處

總言十月還神定性從有人無而實證無生以無為寂滅為大用者

求生舍我更尋誰

此句有二說雙關一說是汝今求長生之道於我既得問正法仙道更不舍我所說而別尋邪說乃由汝之真性篤故能如是也一說是求道悟道而求生證道必由我自己所為篤信堅心凡精密工夫他人一毫力着不得

伍太初六問

法名太初號見初第四叔父之子真陽之親弟也

道藏輯要

仙佛合宗語錄

三

畢集一
二一八上

一問曰真修工夫如何起首答曰仙道不過鍊陽精以化炁為首者也

仙家必先以元精返還於身中而復歸于元炁佛家則泛言戒淫欲以出欲界俱是除淫之義起首若不如是則為落空亡若有一死便是萬生萬死輪迴不斷六道難離矣若人能修如是離欲之行謂之清淨梵行成得離欲之果謂之清淨梵德為轉神入定之真基也究之佛門惟浙僧間有談及除淫離欲者由天台智顛和尚之遺教智者之兄名陳鍼出于張果真人之門故也

第少壯之人神炁盛動靜循環之機速